

De Piël is moj

Tekst/muziek: Henk Deters

As ut vurjaor wer anbrekt, en ut zonneke schient
En de bij ien de bluumkes, de honing wer viend
De fazanthaan op jacht gäöt, nor en hanige hen
Um dan same te scharrele, dor geuns bej ut ven

As de leeuwerik zingt, urgus geuns op den tak
Enne de kniend lit te zonne, op zien doeëie gemak
Unne reiger wer kiekt nor un lekkere prooi
Dan springt de kikker het gras ien, want dat was nie wat hej wooi

Refrein

***Jao dan wieët ik, dan wieët ik, de Pieël die is moj
Wor de vögelkes fluiten, zoeëdat ik ze verstoij
As ik smele zie gräöje, en de hei wer zie bläöje
Dan wieët ik, ik bin mar en dieël
Mar ik vuul mej te vreeje, as de haas en reeje
Op dit land, dizze prachtige pieël***

Mien kudde van schäöp, wert geleid dur den hond
En de lemkes die springe gestaag ien ut rond
Dorachter den kleine, is verdwaald ien ut rie
Lôpt te blère en zuukt, hej is zien moeder wer kwiet

Bej ut ven stut de kudde en hieël hortje stil
Soms langer soms korter, da's net wat ik wil
En 's aoves dan gaon wej, wer terug nor de kui
Um te räöste tot merge, op ôs bedje van strui